



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Widerlegung der Notel/ damit die Sacramentirer zu  
Dantzig/ jhren Jrthumb vnd Verfolgung/ verkleistern vnd  
bedecken wollen/ vnd die arme Kirche daselbst höchlich  
drucken vnd beschweren/ Geschrieben an ...**

**Morgenstern, Benedikt**

**Gedruckt zu Eisleben**

**VD16 M 6341**

Vom Eilfften Artickel.

**urn:nbn:de:hbz:466:1-36942**

tiationem oder eine Lutherische consubstantiationem vel durabilem  
inclusionem draus verstehe. Item vielleicht werden sie auch die wort  
der Einsetzung darumb vernichten / vnd ihnen alle ihre krafte ne-  
me / damit man nicht ein Dannel oder Zauberey draus verstehe. Wie  
sie sich gröblich gmug an beiden stücken mercken lassen. Im vierden  
Artickel mit den Worten / in / vnter / oder mit dem Brod / etc. Im  
fünfften Artickel mit dem aufsreden vnd schlechten nachsprechen etc.

Ey eine schone volge man möchte des Anbeten misbrauchen /  
darumb wollen wir eine sünde draus machen. Nein / es volget nicht /  
Abusus non tollit substantiam. Man lehre nur recht / so haben wir  
kein schult am misbrauch / spricht Lutherus vnd 3. Tom. folio 81  
spricht er / nu lehren wir je nicht des brods gestalt anbeten / fürchten  
oder ehrllich halten / sondern den Leib vnd Blut Christi ehren im  
Brod vnd Wein. Wirds jemand misbrauchen / der wird dafür  
müssen schwere rechen schaffe geben.

Wey diesem zehenden Artickel bit ich wollt dis mercken. Es  
wollen ewere Schwermernicht Sacramentirer sein / vnd brauchen  
dennoch der Sacramentirer meinung vnd argument von anbeten  
des Sacraments / die sie wider die reine lehre von vielen jaren her  
gebraucht haben. Das heist sich ja nicht verachten. Wolt ihr sie  
noch nicht kennen lernen so verblendet ihr euch je selber.

### Vom Eilfften Artickel.

W eilfften Artickel wer zwar nichts zu straffen / wenn die Leu-  
te nicht gar verdecktig weren. Denn weil sie das Brod im  
Abentmal nirgent den Leib Christi nennen / vnd wollen Paulo  
seine art der rede 1 Cor: 10. vom wesen auff dem brauch zihen vñ M.  
Alexander in seiner erklerung das gesegnete Brod nennet nur ein ab-  
gesondert Brod zu einem heiligen Brauch / auff gut grob Sacra-  
mentirisch / ist zu besorgen / das die Notel sey in diesem Artickel  
auch nicht so gar alber vnd einfeltig / wie sie sich stellet. Derwegen  
K iij können

Können wir ihr nicht gut sein lassen / das Paulus das Brod auch nach dem Segen nur Brod nennen solt. Denn S. Paulus nennet es zwar Brod / wider der Papisten verwandlung / aber doch ein gesegnet Brod vnd die gemeinschafft / des Leibs Christi 1. Cor. 10. am 11. Cap. des H. Erren Christi Leib / Item / dis Brod vnd dieser Kelch / vnd legt bald darnach aus / was er mit dem wort dis vnd dieser meine / nemlich des H. Erren Brod vnd Kelch. Item heisset das Brod denn Leib des H. Erren. Denn er sagt / wer vnterdig von diesem Brod isset / der isset ihm das Gericht / darumb das er nicht vnterscheidet den Leib des H. ERREN.

### Vom Zwelfften Artikel.

**D**ER Zwelffte Artikel / darin sie der Papisten Kelchraub straffen / ist ein schandteckel vnd nur darumb hinzu gesetzt / das man nicht mercken sol / warumb sie vns so oft mit der Papisten namen beschweret vnd bestochen haben / so doch die Not nicht der Papisten halben gemacht ist / auch keinen Papisten zu vnterschreiben sargelegt wird / wie die Vorede vnd Beschlus zeiget. Denn sie mit den Papisten weder diesen / noch irgent einen streit gehabt haben / sondern mit reinen Lehrern / die sie für Papisten mit vnbilligkeit wider ihr gewissen ausgeruffen haben / vnd do sie se das Bapstumb als ein Extrauagant hetten angreifen wollen / so solten sie alle ire Irthumb billich auffo wenigste bestochen vñ berürt haben.

### Vom Dreizehenden vnd letzten Artikel.

**D**IESEN letzten Artikel / darinn sie Zwinglium vnd Caluinium straffen / machen die vorigen artikel so gar matt / kalt vnd faul / das man nicht weis wo für man in ansehen soll / doch kan wol sein / wie auch vor schon ein mal gedacht / das sie nicht Caluinisch noch Zwinglisch / vnd dennoch Sacramentirisch sind / vnd einen